

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-219-4/23**

Datum: **23.06.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «ZEDINA» d.o.o. Doboj Istok za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov brojlera br 2 u naselju Brijesnica Mala, općina Doboj Istok, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «ZEDINA» d.o.o. Doboj Istok daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov brojlera br 2 (kapacitet oko 40.000 brojlera/turnus) izgrađenog u naselju Brijesnica Mala, na zemljištu označenom kao k.č. broj: 1912/2 i 1913/2 K.O. Brijesnica Mala, općina Doboj Istok.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
 - 2.3. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.5. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.6. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.7. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
 - 2.8. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te

preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Pravno lice «ZEDINA» d.o.o. Doboj Istok obratilo se ovoj Agenciji dana 26.05.2023. godine sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov brojlera br 2 (kapacitet oko 40.000 brojlera/turnus) izgrađenog u naselju Brijesnica Mala na zemljištu označenom kao k.č. broj: 1912/2 i 1913/2 K.O. Brijesnica Mala, općina Doboj Istok.

U provedenom postupku dostavljena je i pregledana sljedeća dokumentacija:

- Ovjereni kopiji Rješenja o izmjenama podataka u sudski registar broj: 032-0-Reg-21-000468 izdatog dana 02.04.2021. godine od strane Općinskog suda u Tuzli,
- Kopija Uvjerenja o poreznoj registraciji za Poslovnu jedinicu br 5 «FARMA ZEDINA» izdatog dana 31.07.2012. od strane Porezne uprave Federacije BiH – Kantonalni porezni ured Tuzla,
- Kopija Uvjerenja o registraciji/upisu u Jedinostveni registar obveznika indirektnih poreza broj: 04/1-UP9/1-8604/07 izdatog dana 01.08.2007. godine od strane Uprave za indirektno – neizravno oporezivanje Banja Luka,
- Kopija Rješenja o upotrebi objekta broj: 05-23-3-559/13 izdatog dana 21.03.2016. godine od strane Službe za prostorno uređenje, Općina Doboj Istok,
- Kopija Rješenja o ispunjavanju veterinarsko-zdravstvenih uslova broj: 04/1-01-24-010634-4/14 izdatog dana 03.09.2014. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-111-4/18 izdatog dana 24.05.2018. godine od strane «Agencije za vodno područje rijeke Save» Sarajevo,
- Kopija rješenja o vodnoj dozvoli broj: 04/1-13-21-25929/20 izdatog dana 22.09.2020. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o okolinskoj dozvoli broj: 12/01-1-23-005684/18 izdatog dana 01.08.2018. godine od strane Ministarstva prostornog uređenje i zaštite okolice Tuzlanskog kantona,
- Kopija Ugovora o odvozu fekalnih voda iz septičke jame zaključen u Doboju dana 04.09.2022. godine između «ZEDINA» d.o.o. Doboj Istok i KP «PROGRES» a.d. Doboj,
- Kopija računa broj: 2362/2023 o izvođenju radova na crpljenju septičke jame kapaciteta 20m³ od 20.03.2023. godine sa radnim nalogom od 22.09.2017. godine dostavljeno od strane KP «PROGRES» a.d. Doboj,
- Kopija Ugovora o prodaji robe - iskorištena prostirka za piliće od slame zaključen dana 21.10.2015. godine između «ZEDINA» d.o.o. Doboj Istok i «AGROLIFE» d.o.o. Gradačac,
- Kopija računa broj: 2841 za utrošenu vodu izdatog dana 04.05.2023. godine od strane «Fluid metal» d.o.o. Doboj Istok,
- Kopija računa broj: RAC-580/2023 o odvozu komunalnog otpada izdatog dana 30.04.2023. godine od strane JKP «ČISTO» d.o.o. Doboj Istok,
- Kopija Ugovora o čišćenju separatora i zbrinjavanju opasnog otpada broj: 206-01/21 zaključenog dana 22.02.2021. godine sa «KEMEKO» d.o.o. Lukavac,

- Kopija Ugovora o zbrinjavanju animalnog otpada broj: 01-01-228/22 zaključenog dana 31.05.2022. godine sa JKP «ČISTO» d.o.o. Doboj Istok,
- Idejni projekat hidroinstalacija – Farma za tov pilića, urađen od strane «KRIVAJA TMK» d.o.o. Zavidovići, šifra: IM 2510/12, oktobar 2012. godine (na uvid),
- Glavni projekat Farme za tov pilića urađen od strane «WEBER MANSMONT» d.o.o. Zavidovići, šifra: IM 2510/12, oktobar 2012. godine (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog objekata u naselju Brijesnica Mala, općina Doboj Istok i tom prilikom je sačinjen Zapisnik o uviđaju broj: UP-1/21-3-40-219-3/23 od 22.06.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat farme za uzgoj brojlera kapaciteta oko 40.000 brojlera/turnus izgrađen je u naselju Brijesnica Mala, općina Doboj Istok na parceli označenoj kao k.č. broj: 1912/2 i 1913/2. U neposrednoj blizini, na parceli označenoj kao k.č. broj: 1913/1 ranije je izgrađen objekat Farme br 1 istog vlasnika.
- Od strane Agencije je za predmetni objekat dana 24.05.2018. godine izdata vodna dozvola broj: UP-I/25-3-40-111-4/18 sa određenim uslovima.
- Od strane Ministarstva poljoprivrede, šumarstva i vodoprivrede Tuzlanskog kantona za predmetni objekat Farme je izdato Rješenje o vodnoj dozvoli za korištenje vode i ispuštanje sanitarno-fekalnih voda broj: 04/1-13-21-25929/20 od 22.09.2020. godine.
- Snabdijevanje vodom objekta je obezbijeđeno sa mjesnog vodovodnog sistema «Luke» u Brijesnici Maloj kojim upravlja «Fluid metal» d.o.o. Doboj Istok.
- Otpadne vode od pranja objekta nakon završenog turnusa se prikupljaju sistemom slivnika i kanalizacione mreže te zajedno sa sanitarno-fekalnim vodom iz toaleta za uposlene odvode do armirano-betonske sabirne/osočne jame bez preljeva koja se povremeno čisti od strane KP «Progres» a.d. Doboj (priložen račun o čišćenju od 20.03.2023. godine).
- U neposrednoj blizini objekta, za privremeno odlaganje stajskog đubriva nakon završenog turnusa, izgrađen je armirano-betonski plato sa kojeg se prikupljeno đubrivo iz obje farme, te odvozi od strane firme «AgroLife» d.o.o. Gradačac koja se bavi uzgojem šampinjona.
- Za prikupljanje i tretman oborinskih voda sa uređenog, asfaltiranog platoa oko objekta farme izveden je zaseban kanalizacioni sistem sa slivnim rešetkama i separatorom ulja i masti. Ispust prečišćenih voda je preko okna za monitoring u obližnji potok a potom u rijeku Spreču.

Razmatrajući podneseni zahtjev a na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva ovog Rješenja propisani uslovi u skladu sa članom 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, pravno lice «ZEDINA» d.o.o. Doboj Istok ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov brojlera br 2 u naselju Brijesnica Mala, općina Doboj Istok te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-219-2/23 od 31.05.2023. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «ZEDINA» d.o.o. Doboj Istok
Brijesnica Mala bb, 74206 Doboj Istok
- ✓ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava